

LUTRIJA BOSNE I HERCEGOVINE d.o.o.
NADZORNI ODBOR

Na osnovu člana 22. Zakona o igrama na sreću („Službene novine FBiH“, br.48/15. i 60/15.) i člana 22. Statuta Lutrije Bosne i Hercegovine d.o.o. Sarajevo („Službene novine FBiH“, br.95/15.), Nadzorni odbor Lutrije Bosne i Hercegovine, na sjednici održanoj dana 15.12.2020. godine, d o n i o j e

P R A V I L A
novčane srećke „DIJAMANTI“

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke „DIJAMANTI“.

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke „DIJAMANTI“.


Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.


Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka „DIJAMANTI“ (u daljem tekstu: srećka) je igra na sreću sa unaprijed utvrđenom visinom fonda dobitaka.

Ukoliko se nakon skidanja emulzije sa polja sa otisnutim simbolom dijamanta otkrije simbol , ostvaruje se pripadajući novčani dobitak, koji je ispisan pored njega, ispod emulzije sa natpisom DOBITAK.

Ukupan iznos dobitka predstavlja zbir svih iznosa ispisanih pored polja sa otkrivenim simbolom .

Član 4.

Rok prodaje srećke otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora Priređivača.

Srećke koje nisu prodane do zaključenja prodaje, odnosno dobici na ovim srećkama, ne smatraju se neisplaćenim dobicima.

Odluku o puštanju u prodaju svake od serija donosi direktor Priređivača i ista će se objaviti u jednoj od dnevnih novina.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je sa Priređivačem zaključila ugovor iz člana 2. ovih Pravila, uz dokaz da posjeduje srećku.

Srećka glasi na donosioca.

4. PODRUČJE PRIREĐIVANJA IGRE

Član 6.

Srećka se priređuje na području Federacije Bosne i Hercegovini i Brčko Distrikta BiH.

5. POJEDINAČNA CIJENA SREĆKE

Član 7.

Cijena jedne srećke je 2,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 1.000.000 (jedan million) komada srećaka.

Novčana vrijednost emisije srećaka iznosi 2.000.000,00 KM (dva milliona konvertibilnih maraka).

Odluku o broju serija donosi direktor Priređivača.

7. VISINA FONDA I VRSTE DOBITAKA

Član 9.

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 200.000,00 KM.

Fond dobitaka iznosi 65 % od ukupne emisije vrijednosti ili 72,22 % od ukupne emisije vrijednosti umanjene za naknadu iz stava 1. ovog člana.

Novčana vrijednosti fonda dobitaka iznosi 1.300.000,00 KM i dijeli se na 293.018 dobitaka.

Fond dobitaka serije se raspoređuje po slijedećem planu:

Vrste dobitaka	Vrijednost dobitka	Ukupan broj dobitnih srećki	Iznos koji se izdvaja iz fonda dobitaka	Vjerovatnoća 1 : ...
40.000 KM	40.000 KM	2	80.000 KM	500.000,00
5.000 KM	5.000 KM	4	20.000 KM	250.000,00
1.000 KM	1.000 KM	10	10.000 KM	100.000,00
200 KM	200 KM	34	6.800 KM	29.411,76
10 KM x 10	100 KM	80	8.000 KM	12.500,00
(10 KM x 6) + (20 KM x 2)	100 KM	100	10.000 KM	10.000,00
20 KM x 5	100 KM	100	10.000 KM	10.000,00
100 KM	100 KM	88	8.800 KM	11.363,64
4 KM x 10	40 KM	300	12.000 KM	3.333,33
(4 KM x 5) + (10 KM x 2)	40 KM	300	12.000 KM	3.333,33
10 KM x 4	40 KM	300	12.000 KM	3.333,33
20 KM x 2	40 KM	300	12.000 KM	3.333,33
40 KM	40 KM	200	8.000 KM	5.000,00
2 KM x 10	20 KM	4.000	80.000 KM	250,00
4 KM x 5	20 KM	4.000	80.000 KM	250,00
20 KM	20 KM	1.000	20.000 KM	1.000,00
2 KM x 5	10 KM	7.000	70.000 KM	142,86
(2 KM x 3) + 4 KM	10 KM	8.000	80.000 KM	125,00
2 KM + (4 KM x 2)	10 KM	6.000	60.000 KM	166,67
10 KM	10 KM	1.000	10.000 KM	1.000,00
2 KM x 2	4 KM	60.000	240.000 KM	16,67
4 KM	4 KM	25.000	100.000 KM	40,00
2 KM	2 KM	175.200	350.400 KM	5,71
UKUPNO:		293.018	1.300.000 KM	3,41



Prosječna vjerovatnoća za ostvarivanje dobitka iznosi 1 : 3,41.

8. OPIS SREĆKE



Član 10.

Srećka je pravougaonog oblika, a štampana je u više različitih vizuala.

Prednja strana srećke sadrži:



- Logo Lutrije Bosne i Hercegovine;
- Cijena srećke;
- Naziv srećke „DIJAMANTI“;
- NAJVEĆI DOBITAK 40.000 KM;
- Ukoliko se nakon skidanja emulzije sa polja sa otisnutim simbolom dijamanta otkrije simbol , ostvaruje se pripadajući dobitak. Ukupan iznos dobitka predstavlja zbir svih iznosa ispisanih pored polja sa otkrivenim simbolom .
- 10 (deset) redova sa po 2 (dva) polja za grebanje označenih simbolom dijamanta i ispisom DOBITAK;
- Pakovni broj srećke.

Poledina srećke sadrži:

- Logo „Srećke na dohvat ruke“;
- EAN Bar kod;
- Logo „IGRAJ ODGOVORNO“;
- Logo WLA - Certified Security Control Standard;
- Logo THE EUROPEAN LOTTERIES - RESPONSIBLE GAMING CERTIFIED;
- NOVČANI DOBITAK: Ukoliko se nakon skidanja emulzije sa polja sa otisnutim simbolom dijamanta otkrije simbol , ostvaruje se novčani dobitak koji je ispisan pored njega. Ukupan iznos dobitka predstavlja zbir svih iznosa ispisanih pored polja sa otkrivenim simbolom .
- Emisija: 1.000.000 srećaka;
- Emisiona vrijednost: 2.000.000 KM;
- Fond dobitaka: 1.300.000 KM;
- Datum prodaje do otisnut na srećki;
- Sigurnosni kod proizvođača;
- PLAN DOBITAKA;
- Priređivač: Lutrija BiH d.o.o. Sarajevo, Ul.Mehmeda Spahe 11, 71.000 Sarajevo;
- Podaci o dobitniku za oporezive dobitke: ime i prezime, JMB, adresa;
- Pakovni broj srećke;
- Polje sa uplatnom šifrom u brojčanoj i bar kod formi.

9. UTVRĐIVANJE DOBITAKA

Član 11.

Učesnik u igri utvrđuje dobitak ukoliko se nakon skidanja emulzije sa polja sa otisnutim simbolom dijamanta otkrije simbol , te ostvaruje novčani dobitak koji je ispisan pored njega. Ukupan iznos dobitka predstavlja zbir svih iznosa ispisanih pored polja sa otkrivenim simbolom .

Učesnik u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik u igri je dužan predati Priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 13.

Porez na novčani dobitak plaća učesnik u igri koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobici prodatih srećaka, koji nisu isplaćeni do propisanog roka, smatraju se neisplaćenim dobicima.

Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod polja za igru na prednjoj strani srećke se nalazi šifra. Priređivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje sa ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivat će se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-7-3605-2/20.
Dana: 15.12.2020. godine

VD PREDSJEDNIK
Miroslav Ćorić, s.r.